

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CLXXVIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

considerandam & detestandam proponunt. Eam Dominis vestris Generosis dedi-
cavi. In eo si à me peccatum est, quaeso me excusa, factum enim est eo potissimum
consilio, ut illos pie moneam, ne patiantur sibi ab Illyrico imponi. Significatum
est mihi quoque, M. Georgium Cunium, quadam Oratione nostrum Magnificum,
in parte nomen meum apud proceres deformasse, argumentis forte atreptis ab Hes-
husio & Wigando. Id si factum est, ut me defendas, & illis commendes, oro.
Non enim is sum, quem illi prædicant, Christi & Belial conciliator, sed veritatis &
pacis studiosus. Mitto igitur per hunc nuncium aliquot tantum exempla scripti mei,
quia plura non poterat ferre Nuncius. Ea Tu & D. D. Hombergius distribuatis,
D. D. Generosis, pro vestra voluntate, cum scripto manu tua nomine meo illis sin-
gulis exemplis exhibendis. Ut autem plura ad vos adferantur, commodissime id fieri
posset per Augustanum bibliopolam, Georgium Willerum, si modo ea de re aliquid
cum ipso constitueretur. Audio enim, nostros libros aut nullos, aut paucissimos ad
vos perferri. Quod etiam ego pro mea persona non magnopere curarem, nisi sci-
rem, aliter homines, imprimis Comites & Barones, de me persuasos esse, quam par
erat. Ut igitur excusatus sim, te dento oro, ut hoc mihi officium præstare velis.
Bene & feliciter vale. Raptum Tubingæ, 22. Januarii, 1575. Quem tibi tuisque fe-
licissimum opto.

An grata vel ingrata Dominis vestris fuerit scripti mei dedicatio, mihi per hoc
vel alium significare poteris tuis literis.

Tuus ex animo

Jacobus Andrea, D.



CLXXVIII.

Gratissima fuit salutatio & Colloquium D. Magistri, tui contubernalis,
ut ex quo præter ingenii suavitatem, quâ sum valde recreatus, multa co-
gnovi, quæ scire me non inutile sit. Tiguri bella parari, non dubites, quibus
se adjuncturos Genevates & Heidelbergenses conjicio, idque tanto ardentius,
quod à Saxonibus se condemnari videant, licet non profusum ~~improbatum~~ cum
Wirtembergicis nostris. Interea scandalis perturbatur Ecclesia, quæ ut vita-
ri modis omnibus velim, ita ut vitari possint, non video, ob pertinaciam quo-
rundam. Sed Dominus est, qui solus adferre malis medicinam potest, & ve-
ritatem vindicare à corruptelis, quem oremus. L. Erasmum (quod hætenus
ignorabam) professione publica functionem se dignam, idque cum dignitate
& fructu sustinere, vehementer gaudeo, quod nihil dubitem ad religionis ve-
ra

ræ proventum & conservationem plurimum facturum esse. Perspecta mihi est ejus pietas, eximiaeque virtutes, non vulgari judicio junctæ, quo magis illi Ecclesiæ, Scholæque vestræ & tibi gratulor, & præcor à Domino illustres successus. Gallica tempestas quo sit evasura, novit Dominus: nam si peccata respicias, peccatur intra Iliacos muros & extra. Ferri Regis intemperies & tyrannis à terra ipsa nequit. Hugonoti multa habent, quæ velimus correctæ, nisi id solum, quod se murum Antichristo opponunt hætenus, & spes sit de illis, si detur quies, quæ prave imbiberunt, monitos mox, aut paulatim rectius examinaturos, & adprobaturus meliora. Saluta reverenter uxorem, Generum, clariss. virum, ejusque conjugem, cui partum felicem præcor, Erasmus & fratres Symmittas omnes. Salutant te, Coccius, Füglin. Gryneus. Basil. 3. Februar. Anno 75.

Tuus ut semper frater

Sulcerus.

CLXXIX.

S. D. Reverende & Carissime Domine compater.

Bινquit Theocritus. Hæ horæ isthic mihi patienter expectandæ fuerunt multos menses; nec dubitò, vobis quoque in Scholæ laboribus initio varias difficultates & molestias objectum iri, quas magnitudine animi, diligentia, fide, tolerantia laborum, dexteritate & assiduitate operarum feliciter DEO juvante superabitis, & optatas *ἀρετῆς* & successus felices divinitus vobis præberi experiemini. Nunc Osius tandem cum familia accedit, cum quo te amanter & fideliter opera, exemplo cæci & claudi, communicaturum esse non dubito. Meministi enim imaginem illam optimi status in Republica: *Ἀθήνη τις λιπαρῶν ἰσθίων ἰσθίων ἰσθίων λιπαρῶν ἰσθίων, πίδακας χρῆσας, ὁμοῦτα χρῆσάμεθα.* Ita collegas decet mutua commoditate, candore & fide sarcire, quod ab altero forte neglectum est. Quare nunc etiam *ὡς λιόντι συνήμεω φυλάσσειν ἔντ' ὅσ' ἐκείν' οὐ τὸν δι.* Bene & feliciter vale. Steinæ. Die Solstitii.

Ad D. Sebaldum Feulnerum, & nobiliss. ipsius conjugem diligentius scribam, & grati animi significationem ostendam, cum primum domum rediero. Interea versiculos adjunctos ipsi per occasionem exhibebis.

David Chytræus.

CLXXX.